

摘藻堂四庫全書薈要

子部

欽定四庫全書薈要

子部

御纂醫宗金鑑卷六十九



臣

王杰詳校

詳校官主事臣陳本

欽定四庫全書薈要

御纂醫宗金鑑卷六十九

編輯外科心法要訣目錄

下部  
懸癰

穿襠發

跨馬癰

便毒

疳瘡

陰虱瘡

腎囊癰

腎囊風

婦人陰瘡

腎部

鶴口疽

坐馬癰

臀癰

上馬癰下馬癰

涌泉疽

臍毒

痔瘡

坐板瘡



欽定四庫全書蒼要卷一萬五百二十三

子部

御纂醫宗金鑑卷六十九

編輯外科心法要訣

下部

懸癰

懸癰毒生會陰穴初如蓮子漸如桃三陰虧損濕熱鬱  
潰久成漏為瘡勞

註此證一名騎馬癰生於篡間係前陰之後後陰之

前屏翳穴即會陰穴係任脈經首穴也初生如蓮  
子微癢多痛日久焮腫形如桃李由三陰虧損兼  
憂思氣結濕熱壅滯而成其色紅作膿欲潰若破  
後潰深久則成漏以致瀝盡氣血變為瘡勞初起  
氣壯實尚未成膿小水澁滯者宜用九龍丹瀉去  
病根稍虛者仙方活命飲利去濕熱如法治之遇  
十證可消三四如十餘日後腫勢已成不能內消  
宜服托裏消毒散或托裏透膿湯自破如不破腫



高光亮脹痛者用臥鍼開之穢膿一出其腫全消者順朝服六味地黄丸午服十全大補湯溫補滋陰又有過食膏粱厚味氣實者初服龍膽瀉肝湯潰服滋陰八物湯又有房勞過度羸弱者初服八珍湯潰服十全大補湯脾虛不食六君子湯日久成漏者國老膏化湯送服琥珀蠟礬丸外治法按癰疽潰瘍門當戒房勞怒氣魚腥發物慎重調理

# 九龍丹

木香

乳香

沒藥

兒茶

血竭

巴豆

不去油

等分爲末生蜜調成一塊磁盒收貯臨用時旋丸  
豌豆大每服九九空心熱酒一杯送下行四五次  
方食稀粥腫甚者間日再用一服自消

方歌

九龍丹醫懸癰毒初起氣實膿未成木香乳沒兒

茶竭巴豆蜜丸酒服靈

滋陰八物湯

當歸

生地黃

白芍藥

酒炒

川芎

丹皮

花粉各一錢

澤瀉

五分

甘草節一錢

水二鍾燈心五十寸煎八分食前服

大便秘者加蜜炒大黃一錢

方歌 滋陰八物過膏梁懸癰已潰服此方四物丹皮花

粉瀉草即便秘加大黃

仙方活命飲

琥珀蠟礬丸

托裏消毒散

俱見腫瘍門

托裏透膿湯

見頭部侵腦疽

六味地黄丸

見面部雀斑

十全大補湯

八珍湯

六君子湯

即香砂六君子湯減去藿香砂仁俱見潰瘍門

龍膽瀉肝湯

見腰部纏腰火丹

國老膏

見背部丹毒發

穿襠發

穿襠毒發會陰前憂思勞傷濕鬱源熾痛紅順塌陷逆腐深漏溺收斂難

註

此證生於會陰穴之前腎囊之後由憂思勞傷濕鬱凝結而成初起如粟漸生紅亮熾痛潰出稠膿

者順若起如椒子黑焦陷於皮肉之內漫腫紫暗  
並無焮熱痛連辜丸及腰背肛門者逆此係皮囊  
空處凡生毒患宜速潰根淺但遇根深遲潰腐傷  
尿管漏溺不能收斂者至險內治按懸癰外治按  
癰疽腫瘍潰瘍門

跨馬癰

跨馬癰生腎囊旁重墜肝腎火濕傷紅腫焮痛宜速潰  
初清托裏勿寒涼

註此證一名騙馬墜生於腎囊之旁大腿根裏側股縫夾空中由肝腎濕火結滯而成初如豆粒漸漸腫如鵝卵墮墜壅重色紅焮痛暴起高腫速潰稠膿者順若漫腫平塌微熱微紅潰出稀膿者險多成串皮漏證此處乃至陰之下醫治不可過用寒涼初宜服仙方活命飲消之次服托裏透膿湯既潰之後內外治法俱按癰疽潰瘍門

仙方活命飲

見腫瘍門

托裏透膿湯

見頭部  
侵腦疽

便毒

便毒生於腿縫間忍精瘀血怒傷肝堅硬木痛寒熱作  
初汗次下灸之痊

註此證又名血症又名便癰無論男女皆可以生發  
於少腹之下腿根之上摺紋縫中經屬肝腎由強  
力房勞忍精不洩或慾念不遂以致精搏血留聚  
於中途壅遏而成或為暴怒傷肝氣滯血凝而發



初如杏核漸如鶩卵堅硬木痛微熱不紅令人寒  
熱往來宜荊防敗毒散汗之若煩躁作渴氣鬱者  
宜山甲內消散以消解之若過於堅硬大痛者宜  
紅花散瘀湯舒通之前藥用之不應者宜九龍丹  
攻之若無痛無熱則不可攻下宜陽燧錠日灸五  
七壯以或輒或消或潰為止膿勢將成不可強消  
宜黃耆內托散托之甚虛者托裏透膿湯既潰宜  
八珍湯十全大補湯補中益氣湯因證用之外用

五色靈藥撒之化腐煨膿兼琥珀膏萬應膏貼之  
生肌斂口斯證潰後即名魚口因生於摺紋縫中  
其瘡口潰大身立則口必合身屈則口必張形如  
魚口開合之狀故有魚口之名但此毒係忍精不  
洩怒氣傷肝而成至於生楊梅而兼有便毒者另  
詳註於楊梅門

紅花散瘀湯

紅花

當歸尾

皂刺 各一錢

生軍 三錢

連翹 去心

蘇木

穿山甲 炙研

石決明

殭蠶 炒

乳香

貝母 各一錢  
去心研

黑牽牛 二錢

酒水各一鍾煎八分空心服行五六次方食稀粥

補之

方歌紅花散瘀消堅硬便毒初起腫痛添歸刺軍翹蘇

木甲石決殭蠶乳貝牽

黃耆內托散

黃耆二錢

白朮一錢  
土炒

當歸

川芎各二錢

金銀花

皂刺

天花粉各一錢

澤瀉

甘草各五分  
炙

水二鍾煎八分食前服

方歌黃耆內托醫便毒腫盛不消托潰良白朮歸芎銀

皂刺天花瀉草力同助

荊防敗毒散

見項部  
腦疽

山甲內消散

見腹部  
中脘疽

九龍丹

見前  
懸癰

陽燧錠

見首卷  
烙法

托裏透膿湯

見頭部  
侵腦疽

八珍湯

十全大補湯

補中益氣湯

五色靈藥

萬應膏

俱見潰瘍門

琥珀膏

見頭部髮際瘡

疔瘡

疔瘡統名有三原慾火未遂洩淋難房術塗藥癰瘻紫

光亮赤腫梅毒瘰

註此證統名疔瘡又名妬精瘡生於前陰經云前陰者宗筋之所主督經脈絡循陰器合篡間又云腎開竅於二陰是瘡生於此屬肝督腎三經也其名異而形殊生於馬口之下者名下疔生莖之上者名蛀疔莖上生瘡外皮腫脹包裹者名袖口疔疔久而徧潰者名蠟燭疔痛引辜丸陰囊腫墜者名鷄瞪疔痛而多瘡潰而不深形如剝皮爛杏者名瘰癧生馬口旁有孔如棕眼眼內作癢捻之有微

膿出者名錠根疳生楊梅時或誤用薰搽等藥以致腐爛如白者名楊梅疳又有生楊梅時服輕粉水銀打成劫藥以致便溺尿管內刺痛者名楊梅內疳諸疳原由有三一由男子慾念萌動淫火猖狂未經發泄以致敗精濁血留滯中途結而為腫初起必先淋漓溲溺澀痛次流黃濁敗精陽物漸損甚則腫痛腐爛治當疎利肝腎邪火以八正散清肝導滯湯主之一由房術熱藥塗抹玉莖洗擦



陰器傲倖不衰久頓不洩以致火鬱結腫初起陽  
物癢痛堅硬漸生疣瘡色紫腐爛血水淋漓不時  
興舉治當洩火解毒以黃連解毒湯蘆薈丸主之  
一由娼家婦人陰器瘵精濁氣未淨輒與交媾以  
致淫精傳染梅毒初起皮腫紅亮甚如水晶破流  
腥水麻癢時發腫痛日增治當解毒以龍膽瀉肝  
湯主之次服二子消毒散外通用大豆甘草湯洗  
之紅腫熱痛以鯉魚膽汁敷之損破腐爛以鳳衣

散旱螺散珍珠散銀粉散回春脫疳散因證敷之  
惟楊梅疳與楊梅內疳二證多服五寶散甚效

八正散

扁蓄

生軍 各一錢

滑石 二錢

瞿麥

甘草

生

車前子

梔子

木通 各一錢

水二鍾煎八分食前服

方歌八正散清積火盛小水作淋結腫疼扁蓄軍滑瞿

麥草車前梔子木通靈

清肝導滯湯

扁蓄

四錢

滑石

二錢

甘草

一錢

大黃

二錢

便秘者用

瞿麥

三錢

水二鍾燈心五十寸煎八分空心服

方歌清肝導滯清肝熱玉莖腫疼小水澀扁蓄滑石草

大黃燈心瞿麥服通徹

二子消毒散

土茯苓

八兩

猪脂

二兩  
切碎

杏仁

炒去皮尖

殭蠶

炒

蟬蛻

各七個

牛膝

荊芥

防風

各一錢

皂角子

七個

金銀花

三錢

肥皂子

七個

豬牙皂角

一條

水八盃煎三盃作三次服如結毒服三七日自愈  
袖口疔加黃蘗一錢肥皂子倍之

楊梅疔加薏苡仁皂刺各一錢側柏葉綠豆糯米  
各三錢

楊梅內疔加海金沙五加皮白丑各一錢五分

方歌

二子消毒梅毒疔土苓豬脂杏殭蠶蟬膝荊防皂  
角子銀花肥皂豬牙煎

大豆甘草湯

黑豆一合

甘草一兩  
生

赤皮葱三莖

槐條六十寸

水煎濃澄湯候溫日洗二次

方歌大豆甘草湯神方諸般疳證洗之良止癢消疼能

解毒赤葱槐條共熬湯

鳳衣散

鳳凰衣

一錢  
鷄抱卵殼

輕粉

四分

冰片二分

黃丹一錢

共研細末鴨蛋清調敷或乾撒亦可

方歌鳳衣散能敷潰疔輕粉冰片共黃丹化腐生肌兼  
止癢鴨蛋清調痛即安

旱螺散

白田螺殼

三錢  
煨

輕粉 一錢

冰片

麝香 各三分

共研細末香油調敷

方歌旱螺散用易生肌潰疔癢痛俱可醫煨螺殼與輕

冰麝香油調敷去腐宜

珍珠散

珍珠

黃連

末

黃蘗

末

定粉

輕粉

象牙

末

五倍子

炒

兒茶

沒藥

乳香

各等分

共研極細末先以米泔水洗患處再撒此藥甚效



方歌珍珠散治下疳瘡清熱除瘀脫腐強連藥兒茶輕

定粉五倍象牙沒乳香

銀粉散

上好錫六錢火化開入硃砂末二錢攪炒砂枯去砂  
留錫再化開投水銀一兩和勻傾出聽用定粉一兩  
研極細鋪綿紙上捲成一條一頭點火煨至紙盡為  
度吹去紙灰用粉同前錫汞再加輕粉一兩共合一  
處研成細末先以甘草湯淋洗患處拭乾隨撒此藥

能生肌止痛收斂甚效

方歌銀粉散醫疔腐蝕莖損梅毒爛皆施錫炒硃砂水  
銀入定輕二粉對研之

# 回春脫疔散

黑鉛五錢火化開投水銀二錢五分研不見星為度  
再加寒水石三錢五分輕粉二錢五分硼砂一錢共  
研細末先以葱艾花椒煎湯洗患處再撒此藥

方歌回春散先化黑鉛次下水銀要細研寒水硼砂輕

粉入下疳蝕爛撒之痊

### 五寶散

石鍾乳

四錢如乳頭下垂猷破易碎似蜻蜓翅者方真

硃砂一錢

珍珠

二錢豆腐內煮半炷香時取出

冰片一錢

琥珀二錢

各研極細和一處再研數百轉磁罐密收用藥二錢加飛羅麵八錢再研和勻每用土茯苓一觔水八盞煎至五盞濾去渣作五次每次加五寶散一

分和勻量病上下服日用十十如鼻子腐爛每日  
土茯苓內加辛夷三錢煎服引藥上行忌食海腥  
牛羊鷺肉火酒煎炒房事等件

方歌五寶散硃鍾乳珍冰珀飛羅麵細勻楊梅疳瘡結

毒證土苓湯調服最神

黃連解毒湯

見耳部  
黑疔

盧薈丸

見齒部  
牙齦

龍膽瀉肝湯

見腰部  
纏腰火丹

# 陰虱瘡

陰虱瘡蟲毛際內肝腎濁熱不潔生瘡癢抓紅含紫點  
若還梅毒蠟皮形

註此瘡一名八脚蟲生於前陰毛際內由肝腎氣濁  
生熱兼淫慾失洗不潔搏滯而成瘡癢難忍抓破  
色紅中含紫點內宜服蘆蘘地黃丸外用鍼挑破  
去虱隨擦銀杏無憂散易愈若毛際內如豆如餅  
發瘡結如蠟皮者楊梅毒也即按楊梅毒治之

銀杏無憂散

水銀

鉛製

輕粉

杏仁

去皮尖搗膏

蘆薈

雄黃

狼毒

各一錢

麝香

一分

除水銀杏仁膏共研篩細再入銀杏同研勻先以石菖蒲煎湯洗之用鍼挑破去虱隨用津唾調擦使藥氣入內愈不復發切忌牛犬鯨肉

方歌銀杏無憂散止癢熱滯毛際陰虱瘡鉛製水銀輕

粉杏蘆薈雄黃狼麝香

蘆藥地黃丸

即六味地黃丸加蘆薈五錢  
蜜炒黃藥一兩見面部雀斑

腎囊癰

腎囊紅腫發為癰寒熱口乾焮痛疼肝腎濕熱流注此  
失治潰深露辜凶

註此證生於腎囊紅腫焮熱疼痛身發寒熱口乾飲  
冷由肝腎濕熱下注腎囊而成初起宜服荊防敗

毒散汗之外用葱鹽熬湯燙之寒熱已退宜服清  
肝滲濕湯消解之不應者膿勢將成也急服滋陰  
內托散若氣怯食少者宜服托裏透膿湯外用二  
味拔毒散圈敷腫根膿脹痛者用臥鍼鍼之出稠  
膿者順出腥水者險宜服托裏排膿湯外用琥珀  
膏貼之俟腫消膿少痛減時用生肌散生肌玉紅  
膏以生肌斂口此癰本於肝腎發出以滋陰培補  
氣血為要生肌斂口時朝服六味地黃湯暮服人



參養榮湯滋補之甚效此證若失治潰深露辜九  
者險然不可棄而不治宜杉木灰托之蘇子葉包  
之患者仰臥靜以養之或可取效

清肝滲濕湯

黃芩

梔子

生研

當歸

生地

白芍藥

酒炒

川芎

柴胡

花粉

龍膽草

各一錢  
酒炒

甘草

生

澤瀉

木通

各五分

水二鍾燈心五十寸煎八分食前服

方歌清肝滲濕消囊癰小水淋漓腫痛攻芩梔四物柴

花粉膽草燈甘瀉木通

滋陰內托散

當歸

熟地

白芍藥

酒炒

川芎

各一錢五分

穿山甲

炙研

澤瀉

皂刺

各五分

黃耆

一錢五分

水二鍾煎八分食前服

方歌滋陰內托將潰劑囊癰欲膿托最宜四物穿山瀉

皂刺食前煎服入黃耆

荆防敗毒散

見項部  
腦疽

托裏透膿湯

見頭部  
侵腦疽

二味拔毒散

見腫  
瘍門

托裏排膿湯

見頂部  
魚尾毒

琥珀膏

見頭部  
髮際瘡

生肌散

生肌玉紅膏

人參養榮湯

俱見潰  
瘍門

六味地黃湯

即六味地黃丸改作  
煎劑見面部雀斑

腎囊風

腎囊風發屬肝經證由風濕外襲成麻癢搔破流脂水

甚起疙瘡火燎疼

註此證一名繡毬風係腎囊作癢由肝經濕熱風邪外襲皮裏而成初起乾燥癢極喜浴熱湯甚起疙瘡形如赤粟麻癢搔破浸淫脂水皮熱痛如火燎者此屬裏熱俱宜龍膽瀉肝湯服之外用蛇床子湯薰洗之洗後擦狼毒膏甚效

蛇床子湯

威靈仙

蛇床子

當歸尾 各五錢

縮砂殼 三錢

土大黃

苦參 各五錢

老葱頭 七個

水五盞煎數滾傾入盆內先薰候溫浸洗

方歌蛇床子湯洗囊風止癢消風除濕靈威靈歸尾縮

砂殼土大黃與苦參葱

狼毒膏

狼毒

川椒

硫黃

檳榔

文蛤

蛇床子

大風子

枯白礬 各三錢

共研細末用香油一茶鍾煎滾下公豬膽汁一枚  
和勻調前藥擦患處

方歌狼毒膏擦繡球風濕癢浸淫火燎疼椒硫檳蛤床

風子枯礬豬膽油調成

龍膽瀉肝湯

見腰部纏  
腰火丹

# 婦人陰瘡

婦人陰瘡係總名各有形證各屬經陰挺如蛇脾虛弱陰腫勞傷血分成陰蝕胃虛積鬱致陰脫憂思太過生陰癰氣血雙虛損隨證施治諸證平

註此證俱生於陰器如陰中挺出一條如蛇形者名為陰挺由脾經虛弱或產後遇怒受風所致初宜服逍遙散加荊芥防風次宜朝服補中益氣湯倍用升麻晚服龍膽瀉肝湯外以蛇床子煎湯薰洗



之如陰戶忽然腫而作痛者名為陰腫又名蚌疽  
由勞傷血分所致宜四物湯加丹皮澤瀉花粉柴  
胡服之或服秦艽湯外用艾葉一兩防風六錢大  
戟五錢煎湯薰洗如陰器外生疙瘡内生小蟲作  
癢者名為陰蝕又名匿蟲瘡由胃虛積鬱所致宜四  
物湯加石菖蒲龍膽草黃連木通服之若寒熱與  
虛勞相似者蟲入臟腑也宜逍遙散吞送蘆薈丸  
早晚各一服外以漏癢湯薰洗次以銀杏散塞入

陰中殺蟲止癢如陰戶開而不閉癢痛出水者名  
為陰脫由憂思太過所致宜逍遙散或歸脾湯俱  
加柴胡梔子白芍丹皮服之由產後得者補中益  
氣湯加五味子醋炒白芍服之外俱用荆芥枳殼  
訶子文蛤大劑煎湯薰洗如子宮脫出名為陰癰  
俗名癰葫蘆由氣血俱虛所致宜補中益氣湯去  
柴胡倍用升麻加益母草服之外以萆薢子肉搗  
爛貼頂心再用枳殼半觔煎湯薰洗由思慾不遂

肝氣鬱結而成者必先於小便似有堵塞之意因而努力久之隨努而下令穩婆扶正葫蘆令患婦仰臥以枕墊腰吹噓藥收之收入即緊閉陰器隨以布帛將腿縛定內仍服補中益氣湯自愈

# 秦艽湯

秦艽 六錢

石菖蒲

當歸 各三錢

葱白五個水二鍾煎一鍾食前服

方歌秦朮湯治蚌疽生腫痛能除效可徵石菖蒲與當

歸片食前葱白水煎成

漏瘡湯

苦參

狼毒

蛇床子

當歸尾

威靈仙

各五錢

鶴虱草

一兩

用河水十盞煎數滾濾去渣貯盆內乘熱先薰待  
溫投公豬膽汁二三枚和勻洗之甚效

方歌  
濁癢殺蟲療陰蝕熬湯薰洗不宜遲苦參狼毒床

歸尾豬膽威靈鶴虱施

銀杏散

輕粉

雄黃

水銀

鉛製

杏仁

各一錢  
生用

右各研共和一處再勻每用五分棗肉一枚和丸用  
絲綿包裹線紮緊將藥入陰內留線頭在外如小解  
時將藥取出解完復入內一日一換四五箇自愈

方歌 銀杏散 醫熱下侵 輕粉雄黃製水 銀杏仁棗肉綿

包裹陰癢生瘡用有神

逍遙散

見背部  
上搭手

歸脾湯

見乳部  
乳中結核

補中益氣湯

見潰瘍門

龍膽瀉肝湯

見腰部  
經腰火丹


四物湯

見耳部  
耳疳

蘆薈丸

見齒部  
牙衄

鶴口疽圖



鶴口疽生於尻尾高骨尖處

臀部

鵝口疽

鵝口疽生尻尾尖經屬督脈濕痰源腫如魚脰潰鵝嘴  
少壯易愈老難痊

註此證一名銳疽生於尻尾骨尖處初腫形如魚脰  
色赤堅痛潰破口若鵝嘴屬督脈經由濕痰流結  
所致朝寒暮熱夜重日輕潰出稀膿為不足或流  
稠膿鮮血為有餘少壯可愈老弱難斂易於成漏



初起宜滋陰除濕湯以和之已成不得內消者用  
和氣養榮湯以托之氣血虛弱潰而斂遲者滋腎  
保元湯以補之若失治久而不斂者宜服先天大  
造丸兼服琥珀蠟礬丸久久收斂外治法按癰疽  
腫瘍潰瘍門

滋陰除濕湯

當歸

熟地

川芎

白芍

各一錢  
酒炒

陳皮

柴胡

知母

貝母

去心研

黃芩

各八分

澤瀉

地骨皮

甘草

各五分  
生

水二鍾薑三片煎八分食前服

方歌滋陰除濕鶴口疽退熱消痰初起宜四物陳柴知

母草澤瀉黃芩地骨皮

和氣養榮湯

人參

白朮  
土炒

白茯苓

丹皮

陳皮

熟地

當歸

黃耆  
各一錢

沉香

甘草  
各五分

水二鍾煎八分食前服

方歌和氣養榮托銳疽將膿煎服潰更宜四君丹皮陳

熟地當歸沉香共黃耆

滋腎保元湯

人參

白朮

土炒

白茯苓

當歸身

熟地

黃耆

山萸肉

丹皮

杜仲 各一錢

肉桂

附子

製

甘草

各五分

水二鍾薑三片紅棗肉二枚建蓮子七個去心煎

八分食前服

方歌滋腎保元潰後虛飲遲膿清水淋漓十全大補除

芎芎山萸附子牡丹皮

先天大造丸

人參

白朮

土炒

當歸身

白茯苓

菟絲子

枸杞

黃精

牛膝

各二兩

補骨脂

炒

骨碎補

去毛微炒

巴戟肉

遠志

各一兩  
去心

廣木香

青鹽

各五錢

丁香

三錢

以上共研末

熟地

四兩

酒煮搗膏

仙茅

浸去赤汁蒸  
熟去皮搗膏

何首烏

煮去豆黑豆同  
煮去豆搗膏

膠棗肉

各二兩  
搗膏

肉苁蓉

去鱗并內膜  
酒浸搗膏

紫河車

一具白  
酒煮爛搗膏以  
上六膏共入前藥末內

右為細末搗膏共合一處再加煉過白蜂蜜為丸

如梧桐子大每服七十九空心溫酒送下


方歌先天大造補氣血專治癰疽潰後虛膿水清稀難

收斂參朮歸苓地首烏補骨青鹽骨碎補枸杞黃  
精遠菟絲巴戟仙茅丁木槲河車牛膝從蓉俱

琥珀蠟礬丸

見腫瘍門

坐馬癰圖



坐馬癰在尻尾高骨尖裏上些



# 坐馬癰

坐馬癰屬督脈經尻尾畧上濕熱凝高腫速潰稠膿順漫腫潰遲紫水凶

註此證生於尻尾骨畧上屬督脈經由濕熱凝結而成高腫潰速膿稠者順若漫腫潰遲出紫水者險虛人患此易於成漏初宜艾壯隔蒜片灸之以宣通結滯令其易潰易斂內服之藥與鶴口疽同潰後內外俱按癰疽潰瘍門


隔蒜灸法

見首卷  
灸法

腎

癰

圖



腎癰在少腹之後腎肉厚處左右皆同

# 臀癰

臀癰證屬膀胱經堅硬悶腫濕熱凝肉厚之處遲潰斂最宜紅活高腫疼

註此證屬膀胱經濕熱凝結而成生於臀肉厚處腫潰斂俱遲慢初宜隔蒜片艾炙服仙方活命飲消之不應者即服透膿散膿熟鍼之潰後內外治法俱按癰疽潰瘍門

隔蒜灸法


見首卷灸法

仙方活命飲

透膿散

俱見腫  
瘍門

# 上馬癰下馬癰圖



上馬癰在左臂之下摺紋中

下馬癰在右臂之下摺紋中

上馬癰 下馬癰

上馬癰與下馬癰上左下右摺紋生膀胱濕熱憂憤起  
黑陷屬重高腫輕

註此證生於臀肉之下摺紋中屬膀胱經濕熱又兼  
七情不和憂憤凝滯而成初起如粟黃膿小疱漸  
生焮痛寒熱往來高腫紅亮為輕平陷黑硬為重  
初服荊防敗毒散以退寒熱次服內托羌活湯膿  
勢將成服托裏透膿湯其餘內外治法俱按癰疽

潰瘍門

內托羌活湯

羌活

黃蘗

各二錢  
酒炒

黃耆

一錢五分

當歸尾

陳皮

藁本

連翹

蒼朮

炒

甘草

炙

防風

各一錢

肉桂

三分



水一鍾酒半鍾煎八分食前服

方內托羌活宣堅硬燥濕能托臀下癰歸黃陳蘗同

甘草藁本連翹蒼桂風


荆防敗毒散

見項部  
腦疽

托裏透膿湯

見頭部  
侵腦疽

涌泉疽圖




涌泉疽生在尻骨之前肛門之後

涌泉疽

涌泉疽生尻骨前形如伏鼠腫痛堅督脈濕熱潰破險少壯易愈老弱難

註此證生尻骨之前長強穴屬督脈經首穴由濕熱凝結而成初腫堅硬疼痛狀如伏鼠十日可刺得白膿者順潰遲青膿者險紫黑水者逆內治法同鶴口疽外治潰後按癰疽潰瘍門少壯者得此易愈老年氣衰弱者多成冷漏難痊

臟毒圖



臟毒生在肛門兩旁

# 臟毒

臟毒毒注在肛門內外虛實各有因醇酒厚味兼辛苦外屬陽分內屬陰

註此證有內外陰陽之別發於外者由醇酒厚味勤勞辛苦蘊注於肛門兩旁腫突形如桃李大便秘結小水短赤甚者肛門重墜緊閉下氣不通刺痛如錐鍼數有力多實多熱屬陽易治宜服一煎散通利二便菩提露搽之腫痛仍前不全退者膿將

成也宜服托裏透膿湯膿脹痛鍼之膿出之後治  
同潰瘍門發於內者兼陰虛濕熱下注肛門內結  
壅腫刺痛如錐大便虛閉小水淋漓寒熱往來遇  
夜尤甚脈數微細為虛為濕屬陰難治宜服五灰  
散膿毒自然潰出膿生遲者服十全大補湯托之  
潰後按潰瘍門

一煎散

當歸尾

穿山甲

炙研

甘草

生

桃仁泥

皂角刺

各二錢

川黃連

一錢五分

枳殼

麩炒

檳榔

天花粉

烏藥

赤芍

生地

白芷

各一錢

元明粉

大黃

各三錢

紅花

五分

水二鍾浸一宿次早煎一滾空心服俟行三四次

以稀粥補之

方歌

一煎散消臟毒方歸甲甘連桃枳榔天花皂刺紅

烏藥芍地元明芷大黃

菩提露

熊膽 三分

冰片 一分

涼水十茶匙調化開搽於患處甚效

方歌

菩提露消積熱痛臟毒堅疼焮腫增水調熊膽加

冰片搽於患處毒漸輕



五灰散

血管鷲毛

血餘

蜈蚣

穿山甲

生鹿角

各燒存性

各等分研細共合勻每服五錢空心溫黃酒調下  
方歌五灰散用鷲管毛血餘蜈蚣甲鹿角燒臟毒腫痛肚  
門內每服五錢黃酒調

托裏透膿湯

見頭部  
侵腦疽

十全大補湯

見潰瘍門


痔氣




痔母子



痔雄雌



痔冠雞



痔窠蜂




痔花蓮




痔攻血



痔腸擔



痔內



痔挑櫻



痔珊瑚



痔角菱



痔子蓮



痔肛脫



痔腸泊



痔心雞



痔奶牛



痔尾鼠



痔花翻



痔肉蜆



痔珠懸



痔腸盤



痔子栗



痔挑核



# 痔瘡

痔瘡形名亦多般不外風濕燥熱源肛門內外俱可發潰久成漏最難痊

註

此證係肛門生瘡有生於肛門內者有生於肛門外者初起成癰不破者為痔易治破潰而出膿血黃水浸淫淋瀝久不止者為漏難痊斯證名因形起其名雖有二十四種總不外乎醉飽入房筋脈橫解精氣脫泄熱毒乘虛下注或憂思太過蘊積

熱毒憤鬱之氣致生風濕燥熱四氣相合而成如  
結腫脹悶成塊者濕盛也結腫痛如火燎二便閉  
者大腸小腸熱盛也結腫多癢者風盛也肛門圍  
遶摺紋破裂便結者火燥也初俱服止痛如神湯  
消解之外俱用菩提露或田螺水點之若堅硬者  
以五倍子散唾津調塗之兼用朴消葱頭煎湯洗  
之頂大蒂小者用藥線勒於痔根每日緊線其痔  
枯落隨以月白珍珠散撒之收口亦有頂小蒂大

者用枯痔散枯之內痔不出者用喚痔散填入肛  
門其痔即出隨以朴消葱頭煎湯洗之又有因勤  
苦勞役負重遠行以致氣血交錯而生痔者俱用  
止痛如神湯加減服之又有血箭痔生肛門或裏  
或外堵塞墜腫每逢大使用力則鮮血急流如箭  
不論糞前糞後由腸胃風熱而兼暴怒成之初服  
生熟三黃丸若脣白面色痿黃四肢無力屬氣血  
兩虛宜十全大補湯倍川芎參耆服之外用自己

小便洗之童便熱洗亦可其血自止亦有腸風下血點滴而出糞前者宜防風秦艽湯糞後出血者為酒毒宜服苦參地黃丸效後必多服臟連丸二三料除根又有產後用力太過而生痔者宜補中益氣湯加桃仁紅花蘇木服之又有久瀉久痢而生痔者宜補中益氣湯加槐花皂莢子煨末服之如痔已通腸污從漏孔出者用胡連追毒丸酒服之服後膿水反多者藥力到也勿以為懼如漏有

管者用黃連閉管九服之可代鍼刀藥線之力凡  
痔未破已破及成漏者俱用却毒湯燙洗或用喇  
叭花煎湯日洗二次喇叭花即土地黃苗兼戒房  
勞河豚海腥辛辣椒酒等物有久患痔而後咳嗽  
者取效甚難久病咳嗽而後生痔者多致不救

止痛如神湯

秦艽

去苗

桃仁

去皮尖研

皂角子

各一錢  
燒存性

研 蒼朮

米泔水浸炒



防風

各七分

黃蘗

五分  
酒炒

當歸尾

酒洗

澤瀉

各三分

檳榔

一分

熟大黃

一錢二分

右除桃仁皂角子檳榔用水二鍾將羣藥煎至一  
鍾再入桃仁皂角子檳榔再煎至八分空心熱服  
待少時以美饌壓之不犯胃也忌生冷五辛火酒  
硬物大料濕麵之類

如腫有膿加白葵花

五朵  
去蕊心

青皮

五分

木香

三分

則膿從大便出也

如大便秘甚倍大黃加麻仁枳實

如腫甚倍黃蘗澤瀉加防己豬苓條苓

如痛甚加羌活郁李仁

如癢甚倍防風加黃耆羌活麻黃藁本甘草

如血下倍黃蘗多加地榆槐花荆芥穗白芷

如小便澀數不通者加赤茯苓車前子燈心扁蓄

歌方止痛如神諸痔瘡風濕燥熱總能防歸藥桃柳皂

角子蒼朮芫風澤大黃

田螺水

大田螺一枚用尖刀挑起螺唇入冰片末五釐平  
放磁盤內待片時螺竅內滲出漿水用鷄翎蘸點  
患處勤勤點之其腫自然消散

方歌田螺水點痔瘡效冰片裝入田螺竅少時化水取  
點瘡止痛消腫有奇妙

五倍子散

用川文蛤大者一枚敲一小孔用陰乾荔枝草揉碎塞入文蛤內令滿用紙塞孔濕紙包煨片時許取出去紙研為細末每一錢加輕粉三分水片五釐共研極細末唾津調塗患處

方歌五倍子散痔痛墜堅硬腫疼立刻揮輕粉水片各研細荔枝草入蛤中煨

# 藥線

芫花 五錢

壁錢 二錢

用白色細衣線三錢同芫花壁錢用水一盃盛貯  
小磁罐內慢火煮至湯乾為度取線陰乾凡遇痔  
瘡癰瘤頂大蒂小之證用線一根患大者二根雙  
扣繫患處兩頭留線日漸緊之其患自然紫黑  
冰冷不熱為度輕者七日重者十五日後必枯落  
以月白珍珠散收口甚效

方藥線芫花共壁錢再加白扣線同煎諸痔癰瘤繫  
根處生似葦形用此捐

# 枯痔散

天靈蓋

用童子者佳又用青線水將天靈蓋浸片時撈出以火煨紅再入青線水內淬之如此七

次淨用  
四錢

砒霜

一兩

白礬

生二兩

輕粉

四錢

蟾酥

二錢

共為極細末入小新鐵鍋內上用粗磁盃密蓋鹽

泥封固炭火煨至二炷香待冷揭開盃將藥研末

搽痔上每日辰午申三時用溫水洗淨患處上藥

三次上至七八日其痔枯黑堅硬住藥裂縫待其  
自落

方歌枯痔天靈蓋煨淬砒礬輕粉共蟾酥入鍋盪蓋泥  
固煨痔瘡新久搽皆除

喚痔散

枯白礬五分

食鹽三分  
妙

草烏生

刺蝟皮各一錢  
煨存性

麝香五分

冰片二分

共研細末先用溫水洗淨肛門隨用唾津調藥三錢填入肛門片時即出

方歌喚痔散把內痔呼刺蝟皮鹽麝草烏水片枯礬同研細津調填入片時出

生熟三黃湯

生地

熟地 各一錢五分

黃連

黃蘗

黃芩

人參



蒼朮

米泔水浸炒

白朮

土炒

厚朴

薑炙

當歸身

陳皮

各一錢

地榆

防風

澤瀉

甘草

各六分

烏梅

二個

水二鍾煎八分食前服

方歌

生熟三黃連藥參蒼朮厚朮共歸陳榆風澤瀉烏

梅草當歸血箭痔如神

防風秦艽湯

防風

秦艽

當歸

生地

白芍

酒炒

川芎

赤茯苓

連翹

各一錢  
去心

梔子

生研

蒼朮

米泔水浸炒

槐角

白芷

地榆

枳殼

麩炒

檳榔

甘草

各六分生

水二鍾煎至八分食前溫服

如便秘者加大黃

方歌防風秦艽治腸風墜腫津血最止疼四物梔蒼槐

角芷地榆枳草翹檳苓

苦參地黃丸

苦參

切片酒浸濕蒸曬九次為度炒黃為末淨一觔

生地黃

四兩酒浸一宿蒸熟搗爛和入苦參末內

加煉過蜂蜜為丸如梧桐子大每服三錢白滾水送下或酒下亦可日服二次

方歌苦參地黃糞後紅皆因酒毒熱來攻二味酒蒸蜂

蜜煉為丸水送最有功

# 臍連丸

黃連

八兩研淨末

公豬大腸

肥者一段長一尺二寸水洗淨

右二味將黃連末裝入大腸內兩頭以線紮緊放砂鍋內下煮酒二觔半慢火熬之以酒乾為度將

藥腸取起共搗如泥如藥濃再曬一時許復搗為丸如梧桐子大每服七十九空心溫酒送下久服除根

方歌臟連丸用川黃連研入豬腸煮酒煎搗爛為丸溫酒服便血肛門墜腫痊

胡連追毒丸

胡黃連

切片薑汁拌炒研末刺蝟皮 各一兩炙切片再炒黃研末

麝香

二分研細

共和一處研勻，軟飯為丸，如麻子大，每服一錢，食前溫酒送下。

方歌 胡連追毒丸，醫痔成漏通腸服，最宜連麝蛻皮飯。

丸服排盡瘀膿，換好肌。

黃連閉管丸

胡黃連

一兩  
淨末

穿山甲

香油內  
炸黃

石決明

煨

槐花

各五錢  
微炒

共研細末，煉蜜為丸，如麻子大，每服一錢，空心清

米湯送下早晚服二次至重者不過四十日而愈  
如漏四邊有硬肉突起者加殭蠶二十條炒研末  
入藥內及徧身諸般漏證服此方皆可有效

方歌黃連閉管丸穿山石決槐花共細研能除漏管米

湯送蜜丸麻子大一般

却毒湯

瓦松

馬齒莧

甘草

生各五錢

川文蛤

川椒

蒼朮

防風

葱白

枳殼

側柏葉 各三錢

焰消 一兩

水五盃煎三盃先薰後洗日用三次

方歌却毒湯洗痔漏效  
瓦松甘草蛤川椒  
齒莧蒼風葱

枳殼栢葉同熬加焰消

菩提露

見臟毒




月白珍珠散

十全大補湯

補中益氣湯

俱見潰瘍門

# 坐板瘡圖



坐板瘡生於臀腿之間

# 坐板瘡

坐板瘡在臀腿生形如黍豆癢焮疼暑濕熱毒凝肌肉  
初宜燙洗油撚烘

註此證一名風疔生於臀腿之間形如黍豆色紅作  
癢甚則焮痛延及谷道勢如火燎由暑令坐日曬  
几凳或久坐陰濕之地以致暑濕熱毒凝滯肌肉  
而成初宜芫花川椒黃蘗熬湯燙洗即消或毒甚  
癢痛仍不止者宜用油釭青布三指寬一條香油

調雄黃末一錢攤於布上捲之燃着吹滅焰頭向  
瘡烘之其癢痛即止甚效

御纂醫宗金鑑卷六十九



總校官庶吉士臣張能照

校對官編修臣楊壽楠

謄錄監生臣阮坦

繪錄監生臣竇光國

欽定四庫全書薈要

子部

御纂醫宗金鑑卷七十



臣王杰詳校

詳校官主事臣陳木

欽定四庫全書薈要

御纂醫宗金鑑卷七十

編輯外科心法要訣目錄

附骨疽

咬骨疽

股陰疽

橫痃疽

附骨疽

陰疽

伏兔疽

股陽疽

環跳疽

肚門癰

箕門癰

腿遊風

青腿牙疳



膝部

膝癰

疔疽

膝眼風

鶴膝風

下石疽

緩疽

委中毒

上水魚

人面瘡

欽定四庫全書會要卷一萬五百二十四子部

御纂醫宗金鑑卷七十

編輯外科心法要訣

附骨疽在大腿外側漫腫胖大兩腿同

附骨疽圖



# 咬骨疽圖

咬骨疽在大腿裏側漫腫兩腿同



股部

附骨疽 咬骨疽

附骨大腿外側生在腿裏側咬骨名體虛寒濕乘虛入寒熱往來不炊紅痛甚徹骨難屈轉寒濕化熱腫胖形蒜灸起胞無胞逆潰後最忌敗漿膿

註

此二證生於大腿裏外外側屬足三陽經裏側屬足三陰經附骨疽生於大腿外側咬骨疽生於大腿裏側由體虛之人露卧風冷浴後乘涼寒濕侵

襲或房慾之後蓋覆單薄寒邪乘虛入裏遂成斯疾初覺寒熱往來如同感冒風邪隨後筋骨疼痛不熱不紅甚則痛如錐刺筋骨不能屈伸動轉經久陰極生陽寒鬱為熱熱甚腐肉為膿外形腫胖無頭皮色如常漸透紅亮一點內膿已成凡治此證初起寒熱往來覺痛時輕者即服萬靈丹重者服五積散加牛膝紅花痛處用雷火鍼鍼之發汗散寒通行經絡膿成開之潰後餘治俱按潰瘍門

又有漫腫疼痛發於尻臀部位者宜服內托羌活湯又有發於腿之裏側近膝者屬足太陰脾足厥陰肝二經部位宜服內托黃耆湯又有發於腿外側者屬足少陽膽經部位宜服內托酒煎湯又有發於腿之正面者屬陽明胃經部位頭目昏眩嘔吐不食胸膈不利心煩熱悶者宜服茯苓佐經湯又有發於腿之裏側屬太陰脾經部位骨節炊痛四肢拘急自汗短氣小水不利手足浮腫者宜服

附子六物湯又有發於腿之後面屬足太陽膀胱經部位腿足攣痺關節重痛憎寒發熱無汗惡寒或兼惡風頭痛者宜服麻黃佐經湯又有三陰不足外邪過盛大腿通腫皮色不變疼痛日增不消不潰者此屬虛寒骨冷急服大防風湯補虛逐寒日久消之不應者勢欲作膿外用隔蒜片灸之起皰艾爆有聲為吉灸之無皰骨中不覺熱者屬逆灸後宜服十全大補湯加牛膝羌活防己或八珍



湯加附子補托之膿成脹痛鍼之出黏白膿為順  
若出白漿水或豆汁者俱為敗漿終屬險候數證  
潰後內外治法亦俱按癰疽潰瘍門以上之證皆  
由沈寒痼冷中來外敷內服不可用苦寒損脾泄  
氣等藥犯之必至氣血冰凝內肉瘀腐日久化為  
污水不治之證也按準繩等書云傷寒汗後餘邪  
成流注流注之壞證成附骨疽夫汗後流注易愈  
惟失治乃為壞證不能復生似不能變成附骨疽

况附骨疽係調治可愈之證若果數變之後則壞而又壞矣又豈能復有成功乎是流注壞證變成附骨之說存而不論可也

雷火神鍼

蘄艾 三錢

丁香 五分

麝香 二分

藥與艾揉和用夾紙一張將藥平鋪紙上用力實捲如指粗大收貯臨用以紙七層平放患處將鍼

點著一頭對患向紙捺實待不痛方起鍼病甚者  
再鍼一次七日後火瘡大發其功甚效

方歌

雷火神鍼攻寒濕附骨疽痛鍼之宜丁麝二香共  
蘄艾燃鍼痛處功效奇

內托黃耆湯

黃耆

鹽水拌炒

當歸

木瓜

連翹

去心

柴胡

各一錢

羌活

肉桂

生地

黃蘗

各五分

酒水各一鍾煎一鍾空心熱服

方歌 內托黃耆歸木瓜羌柴翹桂地蘗加疽生膝股肝

脾位酒水煎之服最佳

內托酒煎湯

當歸

黃耆

各二錢

柴胡

一錢五分

大力子

連翹

去心

肉桂

各一錢

升麻

黃蘗

甘草

各五分

酒水各一鍾煎一鍾食前服

方歌

內托酒煎寒濕凝腿外少陽附骨生歸耆大力柴

翹桂升蘗甘加酒水靈

茯苓佐經湯

白茯苓

蒼朮

米泔水炒

陳皮

白朮

土炒

半夏

各一錢  
製

厚朴

薑炒

木瓜

柴胡

藿香

澤瀉

葛根

甘草

各五分

生薑三片水二鍾煎八分食前服

方歌

茯苓佐經足陽明腿面焮疼煩熱乘平胃木瓜柴

木半夏瀉加薑葛引經

附子六物湯

附子

甘草

各一錢

防己

白朮

上炒

白茯苓

各八分

桂枝

五分

生薑三片水二鍾煎八分食遠服

方歌

附子六物風寒濕流注脾經須服之四肢拘急骨

節痛防己朮甘苓桂枝

麻黃佐經湯

麻黃

蒼朮

米泔水浸炒

防風

防己

羌活

白茯苓

葛根

各一錢

桂心

甘草

生

細辛

各五分

生薑三片紅棗肉二枚水二鍾煎八分食前服

方歌

麻黃佐經足太陽風寒濕注本經傷蒼朮二防羌

活桂苓甘細葛棗生薑



大防風湯

人參 二錢

防風

白朮 土炒

黃耆

牛膝

杜仲

當歸

熟地

白芍 酒炒

川芎

羌活

甘草

附子 各一錢  
製

生薑三片水二鍾煎八分食前服

方歌 大防風療寒邪傷附骨疽腫色如常參朮黃耆牛

膝仲四物羌甘附子薑

萬靈丹

方見腫瘍門

內托羌活湯

方見臀部上馬癰

隔蒜灸法

方見首卷灸法

十全大補湯


八珍湯

俱見潰瘍門

五積散

見內癰部  
腎癰

股陰疽圖



股陰疽在股內腎囊之側左右同

股陰疽

股陰疽發大股中陰囊之側堅腫疼七情不和憂憤致潰後纏綿功難成

註

此證一名赤施發生於股內合縫下近陰囊之側因偏在厥陰經故名大股也堅硬漫腫木痛由七情不和憂思憤鬱凝結而成因在陰經起長潰膿俱屬遲緩潰後尤見纏綿收斂成功者甚少初起與附骨疽治法同腫潰俱按癰疽腫瘍潰瘍門

橫 痃 疽 圖



橫痃疽在左腿夾縫摺紋中形長如蛤

陰 疽 圖

陰疽在右腿夾縫摺皺中形長如蛤



橫痃疽 陰疽

橫痃疽左陰疽右股內合縫腫硬疼痛牽羣丸長蛤樣  
三陰七情鬱滯凝

註

此二證俱生股內合縫摺紋間左為橫痃疽右為  
陰疽屬三陰經由七情鬱滯凝結而成漫腫堅硬  
時疼甚則痛牽羣丸上及少腹形長如蛤一兩月  
方能潰破其膿深可知破後膿稠可愈敗漿最難  
斂口久必成漏初治同附骨疽潰按癰疽潰瘍門



若膿水淋瀝日久有生蟲者形類虬蟲亦係膿深  
鬱久之所化也屬逆

# 伏兔疽圖

伏兔疽在大腿正面用力肉高處兩腿同




# 伏兔疽

伏兔穴處忌生疽腫硬鍼灸不相宜疼痛徹心寒熱作胃火毒滯潰難醫

註

經云伏兔不宜生瘡蓋伏兔乃胃經穴道在膝蓋之上六寸正中用力大如掌一堆高肉處禁用鍼灸始發寒熱交作疼痛徹心由胃火毒滯而成潰後最難收斂初治同附骨疽潰按潰瘍門


# 股陽疽圖



股陽疽在腿外側胯尖骨之后左右同

# 環跳疽圖

環跳疽在環跳穴漫腫臀胯俱胖左右同



股陽疽 環跳疽

股陽疽生股外側內搏於骨不變色環跳疽腫腿難伸  
俱由風濕寒凝結

註

股陽疽生於股外側胯尖之後其毒內搏骨節膿  
深至骨故漫腫不變色也環跳疽生胯骨節間之  
環跳穴所以腿難屈伸漫腫隱痛也此二證皆由  
風濕寒凝結而成屬足少陽膽經初起宜服黃狗  
下頰方更刺委中穴出黑血其腿即能轉動若漫

腫大痛者俱宜服內托黃耆湯痛而筋攣者萬靈丹汗之痛止換服神應養真丹徧身走注作痛兩脚面胖腫者亦服萬靈丹汗之痛止則宜服大防風湯倍加參朮歸耆等藥宣消之若時時跳痛將潰宜托裏透膿湯服之潰後膿清稀者宜十全大補湯加牛膝外以豆豉餅灸之瘡口紫陷者十全大補湯加附子服之外換附子餅灸之食少者胃弱也諸虛皆稟於脾胃宜香砂六君子湯減去砂

仁加當歸服之俟胃口強盛仍服十全大補湯潰而反痛者氣血虛也治宜峻補始終外治法俱按癰疽腫瘍潰瘍門但環跳疽潰破多成踵疾

### 黃狗下頰方

#### 黃狗下頰

連舌皮毛劈下入罐內鹽泥封固鐵蓋蓋口煨一炷香覺烟清即止務宜存性取出色黑如炭為度若帶白色其性已過則無用矣用時研極細末用下頰宜於屠家已殺者製用若生取時殺恐反招不祥

### 豌豆粉

#### 白斂末



三味各等分共和勻每服五錢溫黃酒空心調服  
外以此藥用香油調敷患處服藥之後出臭汗及  
熟睡為準

方歌

黃狗下頰連舌皮入罐泥封火煨宜豌豆粉研加  
白斂酒調臀腿疽盡醫

內托黃耆湯

大防風湯

俱見附骨疽

萬靈丹

見腫瘍門

神應養真丹

見頭部遊風

托裏透膿湯

見頭部侵腦疽

十全大補湯


香砂六君子湯

俱見潰瘍門

附子餅

見首卷灸法


# 肚門癰圖



肚門癰在大腿肚左右同

# 箕門癰圖

箕門癰在大腿裏側左右同



肚門癰 箕門癰

肚門癰在股肚生股內近膝箕門癰二證紅腫焮熱痛  
膀胱脾經濕熱成

註此二證俱屬濕熱凝結而成肚門癰生於大腿肚

屬足太陽膀胱經箕門癰生於股內近膝屬足太  
陰脾經初起紅腫焮痛者宜服神授衛生湯若焮  
腫便秘煩躁飲冷衄數者熱淫於內也宜內疎黃  
連湯或雙解貴金丸下之若腫痛寒熱衄沈而無

力胸腹脹滿飲食如常者宜服檳蘇散如腫痛寒熱已止即換服逍遙散若腫痛色不變寒熱食少體倦者由肝虛濕痰下注也宜補中益氣湯加茯苓半夏芍藥服之若患此入房腫硬二便不通者宜六味地黃丸加牛膝車前俟二便通利仍服補中益氣湯餘治按癰疽腫瘍潰瘍門

檳蘇散

檳榔

紫蘇

香附

木瓜

陳皮

大腹皮

各一錢

羌活

五分

木香

三分

生薑三片葱白三寸水二鍾煎一鍾空心服

方歌

檳蘇腹脹氣不舒股內箕門癰可除香附木瓜陳

大腹木香羌活檳榔蘇

神授衛生湯

內疎黃連湯

雙解貴金丸

俱見腫瘍門

逍遙散

見背部上搭手

補中益氣湯

見潰瘍門

六味地黃丸

見面部雀斑



腿 遊 風 圖

腿遊風在兩腿忽裏忽外或上或下不定色紅嫩痛



腿遊風

腿遊風在遶腿生赤腫如雲煖熱疼榮衛風熱相搏滯  
宜砭出血雙解清

註

此證兩腿裏外忽生赤腫形如堆雲煖熱疼痛由  
榮衛風熱相搏結滯而成凡遇此證先施砭石放  
出惡血隨服雙解通聖散次以當歸拈痛湯清解  
治之外貼牛肉片以拔風毒甚效

當歸拈痛湯

當歸

羌活

茵陳蒿

蒼朮

米泔水浸炒

防風

各一錢

苦參

白朮

土炒

升麻

各七分

葛根

澤瀉

人參

知母

黃芩

豬苓

甘草

各五分

黃蘗

三分

水二鍾煎八分食前服

方歌當歸拈痛腿遊風羌活人參二朮升茵陳葛草苓

知藥苦參風瀉共豬苓

雙解通聖散

見唇部  
唇風

青 腿 牙 疳 圖



青腿牙疳先從兩腿起形如雲片色紫  
黑大小不一其毒上攻牙齦腐爛如疳

# 青腿牙疳

青腿牙疳何故生只緣上下不交通陽火炎熾陰寒閉凝結為毒此病成青腿如雲茄黑色疫頑腫硬履難行牙疳齧腫出臭血穿破腮唇腐黑凶

註

此證自古方書罕載其名僅傳雍正年間北路隨營醫官陶起麟頗得其詳畧云軍中凡病腿腫色青者其上必發牙疳凡病牙疳腐血者其下必發青腿二者相因而至推其原皆因上為陽火炎熾

下為陰寒閉鬱以至陰陽上下不交各自為寒為  
熱各為凝結而生此證也相近內地間亦有之邊  
外雖亦有不甚多惟內地人初居邊外得此證者  
竟十居八九蓋中國之人本不耐邊外嚴寒更不  
免坐卧濕地故寒濕之痰生於下致腿青腫其病  
形如雲片色似茄黑肉體頑硬所以步履艱難也  
又緣邊外缺少五穀多食牛羊等肉其熱與濕合  
蒸痰於胃毒火上薰致生牙疳牙齦腐腫出血若

穿腮破唇腐爛色黑即為危候邊外相傳僅有令服馬乳之法麟初到軍營診視青腿牙疳之證亦僅知投以馬乳閱歷既久因悟馬腦之力較馬乳為效倍速令患者服之是夜即能發出大汗而諸病減矣蓋腦為諸陽之首其性溫煖且能流通故耳兼服活絡流氣飲加味二妙湯宣其血氣通其經絡使毒不得凝結外用砭法令惡血流出以殺毒勢更以牛肉片貼敷以拔出積毒不數日而愈



蓋黑血出則陰氣外泄陽氣即隨陰氣而下降兩  
相交濟上下自安也由是習為成法其中活者頗  
多因不敢自私著之於書以公於世並將所著應  
驗諸方備詳於後

服馬乳法

治青腿牙疳用青白馬乳早午晚隨擠隨服甚效如  
無青白馬雜色馬亦可

服馬腦法

治青腿牙疳用馬腦子一個用竹刀挑去筋膜放在  
盆內先將馬腦攪勻再用滾黃酒沖服或一觔或半  
觔俱可倘一次不能服盡分作二次沖服亦可

活絡流氣飲

一名和中既濟湯

蒼朮

木瓜

羌活

附子

生

山查肉

獨活

懷牛膝

麻黃

各二錢

黃蘗

烏藥

乾薑

檳榔

枳殼

各一錢五分  
麩炒

甘草

八分

黑豆四十九粒生薑三片水四鍾煎一鍾服渣水  
三鍾煎八分

如牙疳盛減去乾薑附子加胡黃連二錢龍膽草  
二錢

如牙疳輕而腿疼重加肉桂二錢

如寒熱已退減去羌活麻黃加威靈仙二錢五加皮二錢

方歌

活絡流氣去風強青腿牙疳初服良除濕清胃通

經絡加減臨時莫執方蒼朮木瓜羌附子山查獨膝藥麻黃烏藥乾薑榔枳草引加黑豆與生薑

加味二妙湯

黃蘗

生

蒼朮

米泔浸炒

牛膝

各三錢

檳榔

澤瀉

木瓜

烏藥

各二錢

當歸尾

一錢五分

黑豆四十九粒生薑三片水三鍾煎一鍾渣水二鍾半煎八分

方歌

加味二妙行步難青腿牙疳齲腫宣藥蒼牛膝歸  
榔瀉木瓜烏藥豆薑煎

砭刺出血法

此方用三棱扁鍼形如錐挺者向腿之青黑處勿論

穴道量黑之大小鍼一分深或十鍼二十鍼俱可務令黑血流出外以牛肉割片貼鍼眼並黑處次日再看如黑處微退仍鍼仍貼如無牛肉當頂刺破用罐拔法

搽牙牛黃青黛散

牛黃

青黛

各五分

硼砂

二錢

硃砂

人中白

煨

龍骨

各一錢

冰片 三分

共研細末先以甘草湯將口漱淨再上此藥

方歌

牛黃青黛散 硼砂冰片硃砂中  
白加龍骨共研為細末  
牙疳腫腐此藥搽

一方用煮馬肉湯燙洗

一方用羊肝割片貼黑處

一方用芥菜子搗麪燒酒調敷黑腫處

青腿牙疳不治證

一形氣衰敗飲食不思者不治

一牙齒俱落紫黑流血腐潰穢臭者不治

一腿大腫腐爛或細乾枯者不治



# 膝癰圖



膝癰生在膝蓋紅腫左右同病疽亦生在膝不紅漫腫

膝部

膝癰 疔疽

膝癰焮腫色紅疼疔疽如癰色不紅宣軟為順堅硬逆脾腎肝經邪所乘

註

膝癰生於膝蓋色紅焮腫疼痛屬氣血實疔疽亦生在膝蓋腫大如癰其色不變寒熱往來屬氣血虛宣軟為順堅硬如石者為逆經云肉之小會為谿谿者二肘二膝四腕也凡脾病在谿腎有邪其

氣留於兩膝凡筋病皆屬於節筋乃肝之餘故又屬肝是以谿會有病皆從脾腎肝三經邪氣乘之也始終內外治法俱按癰疽腫瘍潰瘍門惟兩膝俱生屬敗證不可治也

# 膝眼風圖

膝眼風生在膝眼穴左右兩膝四穴皆同



膝眼風

膝眼風在鬼眼生疼痛如錐胖腫形下虛風濕寒侵襲  
屈伸不遂溫散靈

註

此證生於膝眼穴又名鬼眼穴在膝蓋之下左右  
兩骨空陷中由下焦素虛外邪易於侵襲先從膝  
眼隱隱作疼如風勝其痛則走注不定寒勝則痛  
如錐刺濕勝則外見胖腫屈不能伸其病在筋伸  
不能屈其病在骨動移不遂沈寒痼冷之候也惟

在臨證宜詳辨之初服萬靈丹溫散之其痛即止  
次服獨活寄生湯宣補之效遲者兼用火鍼鍼膝  
眼穴此轉重就輕之法也單膝生者輕雙膝生者  
重若左膝方愈復病右膝右膝方愈復病左膝者  
名過膝風屬險治法同前

獨活寄生湯

獨活

桑寄生

如無真者以  
川續斷代之

人參

茯苓

川芎

酒洗

防風

桂心

杜仲

薑汁炒去絲

牛膝

秦艽

細辛

各一錢五分

當歸

酒洗

白芍

酒炒

熟地

甘草

各一錢

生薑五片水二鍾煎七分食前服

方歌  
獨活寄生肝腎虛寒濕注膝腫痛居參苓四物防

風桂杜膝秦芎甘細宜

萬靈丹

見腫  
瘍門



# 鶴膝風圖

鶴膝風其膝肿大如腫皮色如常



鶴膝風

鶴膝風腫生於膝上下枯細三陰虛風寒濕邪乘虛入痛寒攣風筋緩濕

註

此證一名遊膝風一名鼓椎風痢後得者為痢風單生者輕雙生者最重因循日久膝腫粗大上下股脛枯細由足三陰經虛風寒濕邪乘虛而入為是病也膝內隱痛寒勝也筋急而攣風勝也筋緩無力濕勝也初腫如綿皮色不變亦無焮熱疼痛

日增無論單雙俱宜服五積散汗之次服萬靈丹  
溫散之外敷回陽玉龍膏常服換骨丹或蚬蚶丸  
以驅其邪若日久不消勢欲潰者宜服獨活寄生  
湯或大防風湯補而溫之痛甚加乳香潰後時出  
白漿浮皮雖腐腫痛仍前不可用蝕藥只宜芙蓉  
葉菊花葉各五錢研末大麥米飯拌均貼之亦可  
止疼或用豆腐渣蒸熱捏作餅貼之亦可此證係  
外證中之敗證也收功甚難

換骨丹

蒼朮

四兩

枸杞

二兩五錢

茄根

洗 二兩

當歸

牛膝

敗龜板

防風

秦艽

獨活

草薢

羌活

蠶沙

松節

虎骨

各一兩  
酥炙

共用酒浸曬乾研為細末酒糊為丸如梧桐子大  
每服三錢食前白滾水送下

方歌

換骨丹歸膝枸蒼龜板風朮獨薤羌蠶沙松節茄  
根虎鶴膝風生服最良

蚰蚃丸

蚰蚃

一箇  
即全蠍生者

白芷

桂心

安息香

阿魏

以上各用童  
便酒炒熟

威靈仙

白附子

童使酒炒

當歸

羌活

桃仁

童使酒炒

牛膝

北漏蘆

地骨皮

白芍

各一兩  
酒炒

乳香

沒藥

各七錢五分  
二味用童使酒炒

共研末煉蜜為丸桐子大每服三錢空心溫酒送下

方歌

蚘蚘丸治鶴膝風  
芷桂安息魏威靈  
白附歸羌桃

乳沒膝漏骨皮芍蜜成

五積散

見內癰  
部腎癰

大防風湯

見股部  
附骨疽

萬靈丹

回陽玉龍膏

俱見腫  
瘍門

獨活寄生湯

見本部  
膝眼風

# 下石疽圖

下石疽生在膝間形如雞卵堅硬不紅無論  
左右上下及兩膝皆同





下石疽

下石疽在膝上生堅硬如石牽筋疼皮色如常難潰斂  
證由血滯外寒凝

註

此證生於膝間無論膝蓋及左右俱可以生堅硬  
如石牽筋疼痛腫如鷄卵皮色不變並無焮熱難  
消難潰既潰難斂最屬痼頑由身虛寒邪深襲致  
令血瘀凝結而成腫潰內外治法俱與中石疽參  
考但此證腫潰俱涼若涼化為熱見諸善證者始

吉仍見惡證者難痊

緩 疽 圖

緩疽主膝兩旁腫硬如餓  
首其色紫黑兩膝胛同



緩疽

緩疽血滯外寒凝腫硬如鰻膝上生紫黯潰遲多熨熱  
腫久漸腐爛皮疼

註

此證由外寒深襲血瘀凝滯而成生於兩膝上或  
生於膝兩旁腫硬如鰻木痛日增其色紫黯積日  
不潰證之情形與下石疽相似惟多熨熱腫久則  
腐爛肌肉皮膚初服當歸拈痛湯以宣通濕熱次  
按中石疽治法內宜溫補外宜灸法虛甚者十全

大補湯相兼治之

當歸拈痛湯

見股部腿  
遊風

十全大補湯

見潰  
瘍門

# 委 中 毒 圖



委中毒生在腿凹不硬微紅左右皆同

委中毒

委中毒在臑紋生屈伸木硬微腫紅膽熱流入膀胱過速宜活血刺委中

註

此證生委中穴穴在膝後臑中央約紋動脈陷中即是約紋者摺紋也又名血郤穴屬膀胱經俗名腿凹經曰臑中由膽經積熱流入膀胱壅遏不行而成木硬腫痛微紅屈伸艱難治宜速用活血散瘀湯逐下惡血為效緩則筋縮而成廢疾諸書皆

云兼刺委中穴出血自消然刺穴必兼有腰痛不能轉移者方可刺之即出血亦不可過多多則令人身撲面見脫色其餘內外治法俱按癰疽腫瘍潰瘍門亦有焮痛色赤潰速者由濕熱凝結所致治法亦按腫瘍潰瘍門

活血散瘀湯

當歸尾

赤芍

桃仁

去皮尖

大黃

各二錢  
酒炒



川芎

蘇木 各一錢五分

丹皮

枳殼 麩炒

枳萐仁

各一錢

檳榔 六分

水二鍾煎八分空心服渣再煎服

方歌活血散瘀委中毒皆因積熱腫其處歸芎丹皮桃

枳榔枳萐大黃芎蘇木

上水魚圖



「上水魚主在腰四指紋兩稍腫如高埂長如魚形色紫左右皆同」

上水魚

上水魚生委中旁摺紋兩稍疼埂昂長若魚形瘀熱結  
外施砭血數二黃


註

此證生委中摺紋兩稍腫如高埂長若魚形色紫  
作痛由血熱遇外寒稽留則血瘀凝結而成外用  
砭法向腫埂上砭出惡血兼用二黃散香油調敷  
甚效

二黃散

即顛倒散見鼻  
部肺風粉刺

人面瘡圖



人面瘡或生於肘或生於膝

人面瘡

膝肘瘡生如人面自古傳來係孽因流氣苦參數貝母  
從善改惡自察心

註

此證自古傳來乃奇病也多生兩膝或生兩肘腫  
類人形眉目口鼻皆具本事方云瘡口能飲食施  
治諸藥絕無所苦惟數貝母其瘡皺眉閉口自此  
日用貝母末和水敷灌數日瘡消結痂而愈又諸  
書皆以為素積冤譴須自清心懺悔初宜服流氣

飲日久宜用大苦參丸今據所用之藥俱係辛熱  
疎散之品其證或因風寒濕三氣凝合之所化亦  
未必盡由冤譴所致也依古施治諒可奏效

大苦參丸

苦參

二兩

蔓荊子

赤茯苓

山藥

白芷

荊芥

防風

白附子

川芎

山梔

生

何首烏

白蒺藜

皂角

川烏

炮

黃耆

赤芍

獨活

羌活

各五錢

草烏

一錢五分  
炮

右為細末麵糊和丸如梧桐子大每服五七十九  
空心黃酒送下不飲酒者以茶代之

方歌  
大苦參丸人面瘡蔓苓山藥芷荆防白附芎梔何

蒺藜皂川草烏蒼芍獨羌

流氣飲

方見背部  
痲注發

御纂醫宗金鑑卷七十





總校官庶吉士臣張能照  
校對官庶吉士臣陳崇本  
膳錄監生臣楊邦彥  
繪圖監生臣竇光國